

# KALAALLIT NUNAANNI SANATITSISUP PISUSSA AFFII



**Sullivinnik  
Nakkutilliisoqarfik**

 +299 34 25 90

 [at@at.gl](mailto:at@at.gl)

# KALAALLIT NUNAANNI SANATITSISUP PISUSSAAFFII

Sanaartornermut atatillugu sanatitsisoq isumannaallisaa-  
nermut peqqinnissamullu akisussaaqataavoq.  
Sanatitsisoq tassaavoq sanaartukkap sanaartorneqarne-  
ranut akiliisoq.

SANATITSISUP, SANAARTORNEQ  
AALLARTITSINNAGU, SANAARTORFIUSSAQ  
KALAALLIT NUNAANNI SULLIVINNIK  
NAKKUTILLISOQARFIMMUT  
NALUNAARUTIGISSAVAA, IMAASSIMAPPAT,

1) SULINISQAQ ULLUNIK SULIFFIUSUNIK 30—  
NIK SIVISUNERUSSATUT AAMMA ATAATSIKKUT  
IKINNERPAAMIK 20—T SULISORINEQARNISSAAT  
ILIMAGINEQARTILLUGU, IMALUUNNIIT  
2) SULIASSAT ANNERTUSSUSISSAATTUT  
ILIMAGISAT 500—NIT AMERLANERUSUNIK  
SULISOQARNIKKUT INGERLANNEQASSATILLUGIT.

Nalunaaruteqarneq pissaaq qarasaasiatigoortumik  
imaluunniit pappialanngortitatut allakkiaq Sullivinnik  
Nakkutilliisoqarfimmit suliaasoq atorlugu imarissavaalu  
ilanngussaq 2-mi taagorneqartutut paasissutissat.  
Nalunaarutip assilineri sanaartorfiusumi saqqumisumut  
nivinngarneqassaaq.

Sanatitsisoq sanaffiusussaq pilersinneqalersinnagu  
aaqqissuunnissaanut ingerlannissaanullu atatillugu isu-  
mannaatsuunissakkut peqqinnissakkullu allaganngukka-  
mik pilersaarusiortassaaq, sanaffiusussami taannaasumi

sulisitsisut marluk arlallilluunniit inunnik qulinit amerla-  
nerusunik ataatsikkut sulisoqassappata.

Pilersaarusiame ilaatinneqassaaq aaqqissuussaanermut  
pileraarut; sanaartorfiusussap titartagartaa; ataatsimoor-  
luni ingerlaarfissiat; sulisitsisut ataasiakkaat qaqugukkut  
sanaartorfiusumi suliaasaqarnersut aamma piffissaq  
qanoq siviutigisoq suliaasanut ataasiakkaanut imaluun-  
niit allanngorarnerannut atorneqassamaarnersaq;  
piffissanik suni immikkut ulorianartorsiorfiusinnaasunik  
suliaqartoqartassanersaq il.il., aamma kina akisussaa-  
suunersaq ingerlaavartumik nakkutilliinermik ataqatigiis-  
saarinnermillu upalungaarsimanermut pileraarutit,  
qimarnngussuineri pileraarutit sungiusarnissamullu  
pileraarutit pillugit.

Sanaartorfiusussap titartagartaata nunaminertami  
sanaartorfiusussami navialiffiinnaasut tamaasa ta-  
kutissavai, isertarfiit, aqquutit assartuivissat qimaaffissiallu,  
kranit, kivittaatit ikaajusallu, atortunut toqqorsivinnut  
ilitsivissat, sannaviugallartut containerillu eqqaaviit,  
unikallarnerni atugarissaarusersuutit, innaallagissamut,  
erngup perusersartarfillu aqquataat, kiisalu kalerrisaaru-  
tit, ikuallattuulernermi qatserutit, annaassiniarnermi  
ikuieqqaarnermilu atortussat.


Piffissap suliffissap pilersaarusiartaani nalunaarneqassaaq  
sulisitsisut ataasiakkaat qaqugukkut sanaartorfiusumi  
suliaasaqarnersut aamma piffissaq qanoq siviutigisoq  
suliaasanut ataasiakkaanut imaluunniit allanngorarne-  
rannut atorneqassamaarnersaq. Aammattaq piffissap  
suliffissap pilersaarusiartaani nalunaarneqassaaq piffissa-  
ni suni immikkut ulorianartorsiorfiusinnaasunik suliaqar-  
toqartassanersaq.



PILERSAARUSIAMI ALLASSIMASSAAQ KIKKUT  
 QANOQ ILISUKKULLUUNNIIT ATAATSIMUT  
 SULIFFIUSUNI ISUMANNAALLISAASERSUUTITUT  
 ATAATSIMORUSSASSATUT  
 PILERSAARUTAASUNI PISSARSISASSASUT,  
 ASERFALLATSAALIISASSALLUTILLU  
 PIIAASASSANERSUT IMMAQALU AAMMA  
 UNIKAALLANNERNI ATUGARISSAARUTEQARFINNIK  
 ATAATSIMORUSSANIK AAMMA  
 TORERSAATITSINISSAMIK SALIGAATSUUNISSAMILLU,  
 TAMATUMANI AAMMA APUTAAJAASARNISSAMIK,  
 SIORARTERISARNISSAMIK  
 PERLUKUIAASARNISSAMILLU  
 ISUMAGINNITTUUSSANERSUT.

Sanatitsisup illuliortiternissap sanaartornissallu pilersaarusioneranut atatillugu qularnaartassavaa:

- 1) suliasat aallarnerneqalersinnagit nunami aqquersuutitut ikkussukat pioreersut suussuserneqarnissaat misissorneqarnissaallu aamma pisariaqassappat ajoqutsaaliorniarnissaat erseqqissumillu nalunaqqutserneqartarnissaat,
- 2) suliasat aallarnerneqalersinnagit nunaminertami immikkut ulorianaateqarsinnaasut suussusersineqarnissaat, naliliiffiqineqarnissaat pisariaqarneratullu annertutigisumik ajoqutsaaliorniarnissaat erseqqissumillu nalunaqqutserneqartarnissaat,
- 3) teknikikkut atortulersuutit pisariaqartinneqartut atuiffiusussani piffissaagallartillugu ikkussorneqarlutillu taakununga ingerlaartitaalernissaat aamma pisariaqarneratut misissorneqartarlutillu aserfallatsaaliorneqarnissaat,
- 4) sanaartorfiusumi angalaarnerup qanoq ilisukkulluunniit isumannaalluinnartumik pisinnaanissaa, aamma aqquernit angalaarfiusussat pisariaqarneratut qaamaqquersugaanissaat,
- 5) teknikikkut atortut atortorissaarutit pisariaqarneratut annertutigisumik atorineqarsinnaanissaat,
- 6) atortussat inissiivissamut naleqquttumut inissinneqarsinnaanissaat aammalu patajaatsumik allequtaqartinnissaat,
- 7) sumiiffit sulianik immikkut ulorianaatilinnik ingerlas-



- siviusussat ajornanngippat allanut suliaqarfutinnaveersaarnissaat imaluunniit angallaffiunaveersaartinnissaat,
- 8) aqquersuutitut ikkussukat, isumannaallisaatit immaqalu immikkut ulorianaateqarsinnaasut il. il. ingerlaavartumik misissortarnissaannut
- 9) periaasissanik aalajangersaasoqarnissaa, pisariaqarfia-tigullu upalungaarsimanermut pilersaarutinik, qimarngussuinissamut pilersaarutinik sungiusarnissamullu pilersaarutinik, ataqatigiissarisooqarnissaa.

Pilersaarusiaq taanna sanaffiusumi isumannaallisaaneq peqqinnissarlugu pillugit suleqatigiinnermi ilaatinneqassaaq, kinguaattoortinnaveersarneqartassalluni, aamma piffissaq sanaartorfiusoq tamakkerlugu sanaffiusumi sulisunut sulisitsisunullu takuneqarsinnaatitaassaaq.

Illuliortiternerni sanaartornernilu, sanaffiusumi taanaasumi ataatsikkut marlunnik arlalinnilluunniit inunnik





qulinit amerlanerusunik sulisulinnik sulisitsisoqarfiusuni sanatitsisoq ataatsimut suliaqarfiusuni sulisorisat isumannaatsuutinnissaannut peqqinnissaannullu sulisitsisut ataasiakkaat iliuusissaannik ataqatigiissaarisaaq.

Illuliornerup sanaartornerullu ingerlanneqarnerani isumannaallisaanikkut peqqinnissakkullu sulianik ataqatigiissaarinermik isumaginninnissamut sanatitsisup qularnaartassavaa inummik

- 1) illuliornerfiusumi sanaartorfusumilu isumannaallisaanermut immikkut paasisimasalimmik tamatumani aamma sananernik ingerlatsisunut ilisimaarinnittumik toqqaasoqarnissaa,
- 2) illuliornermik sanaartornermillu siulersuineri suliatigut misilittagaqareersumik,
- 3) apeqqutinik isumannaallisaanermut peqqinnissamullu tunngassutilinnik pisariaqarneratut ilisimasalimmik aamma
- 4) illuliornermi sanaartornermilu sulisorisat isumannaatsuunissaannik peqqissuunissaannullu sulianut ataqatigiissaarisutut sullivinni avatangiisit pillugit ilinniagaqarsimasumik.

Sanatitsisup isumagissavaa, ataqatigiissaarisussap isumannaallisaaneq pillugu ataatsimiititsisarnertigut ataqatigiinnissamik isumaginninnissaa aamma sanaartorfusumi nammineerluni attaveqarfiginnitarnertigut ataatsimut suliaqarfiusuni sulisitsisut ataasiakkaat sulisorisat isumannaatsuunissakkut peqqinnissakkullu sulisuteqarnerinut siursaaniutitut ataqatigiissaarinissaaq.

Ileqqusumik isumannaallisaaneq pillugu ataatsimiinnerit minnerpaamik ullut 14-ikkaarlugit pisassapput. Im-

mikkut ittumik ataatsimiinnerit pisassapput ajutoortoqarujussuartillugu, toqunartumik iioraasoqarsimatillugu imaluunniit allatut peqqinnissap tungaatigut ajutoortoqartillugu imaluunniit taamaattoqangajassimatillugu, kiisalu pisariaqarnera naapertorlugu.

## SANATITSISUP SANATITSISOQ SINNERLUGU ATAQATIGIISAAISOQ SULLIVIMMI ISUMANNAALLISAANEQ PILLUGU ATAATSIMIIGIAQQUSITILLUGULU ATAATSIMIINNERMI AQUTSISISSAVAA.

Ataqatigiissaarisuusooq sanatitsisoq sinnerlugu sulisitsisunik imaluunniit taakkua sinniisaannik aamma sanaartorfusumik isumannaallisaatigiinnik isumannaallisaaneq pillugu ataatsimiinnissanut aggersaasassaaq, isumagissavaalu ataatsimiinnerup imaqarniliorneqarnissaa. Ataatsimiinnerup imaqarniliornera nassiunneqartassaaq ataatsimiinnermi peqataasunut, sanatitsisumut, sulisunik siulersuisunut tamanut, sullivinnut suliaqartitanut, isumannaallisaatigiinnut kiisalu sulisut sinniisoqarpata taakkununga.

Allatut oqaatigalugu, sanatitsisoq akisussaavoq, illuliornermik sanaartornermulluunniit suliaqarnermut atatilugu isumannaallisaaneq peqqinnissarlun ilanngullugit eqqarsaatigineqarsimanissaannut, pilersarusiornissamut ataavartumillu nakkutilliinissamut.

Paasissutissanik piniartoqarsinnaavoq assersuutigalugu uani **[www.at.gl](http://www.at.gl)**.

